



## SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka („Službeni glasnik BiH“ broj: 95/12 i 41/16), člana 25. Pravilnika o godišnjim finansijskim izvještajima političkih stranaka („Službeni glasnik BiH“ broj: 96/13 i 89/16) i člana 12. Pravilnika o administrativnim procedurama pregleda, kontrole i revizije finansijskih izvještaja političkih stranaka („Službeni glasnik BiH“ broj 103/08), izdajem

### IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2019. GODINU STRANKE ZA SREDNJE

Broj: 03-07-6-517/20  
Sarajevo, 30.06.2021. godine

## S A D R Ź A J

MIŠLJENJE REVIZORA.....	3
1. UVOD .....	4
2. PREDSTAVLJANJE POLITIČKE STRANKE .....	4
3. OPIS PREGLEDA I KONTROLE FINANSIJSKOG IZVJEŠTAJA .....	4
Predmet pregleda i kontrole .....	4
Cilj pregleda i kontrole.....	4
Obim pregleda i kontrole .....	5
4. PRETHODNE KONTROLE I REVIZIJE.....	5
5. NALAZI I PREPORUKE .....	5
5.1 NALAZI.....	5
5.2 PREPORUKE .....	6

## MIŠLJENJE REVIZORA

Služba za reviziju finansiranja političkih stranaka izvršila je pregled godišnjeg finansijskog izvještaja Stranke za Srednje za 2019. godinu.

Rukovodstvo političke stranke je odgovorno za finansijske izvještaje, postupanje stranke u skladu sa odredbama Zakona o finansiranju političkih stranaka, te uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

**Pregledom godišnjeg finansijskog izvještaja za 2019. godinu, utvrđeno je da je Stranka za Srednje prekršila odredbe člana 4. stav (1), člana 11. stav (1) i člana 12. stav (1) i (4) Zakona o finansiranju političkih stranaka.**

**Na osnovu našeg pregleda, odnosno kontrole finansijskog izvještaja, osim gornjih napomena, nismo zapazili ništa značajno što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka.**

## 1. UVOD

Služba za reviziju finansiranja političkih stranaka (u daljem tekstu: Služba za reviziju) je izvršila pregled godišnjeg finansijskog izvještaja Stranke za Srednje za 2019. godinu.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja Stranka za Srednje se finansirala iz sljedećih izvora:

R/B	Izvori finansiranja	Iznos (KM)	Struktura (%)
1.	Članarina	0,00	0,00
2.	Prilozi fizičkih lica ( 3-a )	0,00	0,00
3.	Prilozi pravnih lica ( 3-b )	0,00	0,00
4.	Prihodi od imovine ( 3-c )	0,00	0,00
5.	Prihodi od dobiti preduzeća u vlasništvu političke stranke ( 3-d )	0,00	0,00
6.	Prihodi od poklona ( 3-e )	0,00	0,00
7.	Prihodi iz budžeta ( 3-f )	0,00	0,00
8.	Prihodi od propagande ( 3-g )	0,00	0,00
<b>I</b>	<b>Ukupni prihodi (1-8)</b>	<b>0,00</b>	<b>0,00</b>
<b>II</b>	<b>Ostali prihodi i drugo</b>	<b>576,00</b>	<b>100,00</b>
	<b>Izvori finansiranja (I+II)</b>	<b>576,00</b>	<b>100,00</b>

U godišnjem finansijskom izvještaju za 2019. godinu, Stranka za Srednje je rashode iskazala u iznosu od 7.585,42 KM.

## 2. PREDSTAVLJANJE POLITIČKE STRANKE

Naziv političke stranke je Stranka za Srednje. Skraćeni naziv je S za S.

Stranka za Srednje upisana je u registar kod Kantonalnog suda u Sarajevu Rješenjem broj: R-I- 3/97 od 14.08.1997. godine. Rješenjem Općinskog suda u Sarajevu, broj: 065-0-F1-12-000019 od 01.10.2012. godine, upisana je promjena lica ovlaštenog za predstavljanje i zastupanje Stranke za Srednje.

Sjedište političke stranke je u Srednjem, Srednje bb.

Ovlašteno lice za predstavljanje i zastupanje stranke je Đemal Kolak, predsjednik.

Lice ovlašteno za podnošenje finansijskih izvještaja za 2019. godinu je Đemal Kolak.

Prema podacima iz godišnjeg finansijskog izvještaja za 2019. godinu, Stranka za Srednje nema niže nivoe organizovanja.

## 3. OPIS PREGLEDA I KONTROLE FINANSIJSKOG IZVJEŠTAJA

**Predmet pregleda i kontrole** je godišnji finansijski izvještaj Stranke za Srednje za 2019. godinu.

**Cilj pregleda i kontrole** je da revizor na bazi finansijskog izvještaja pokuša da ustanovi da li je politička stranka u izvještajnom periodu postupala u skladu sa odredbama Zakona o finansiranju političkih stranaka. Ukoliko revizor na bazi kontrole finansijskog izvještaja utvrdi određena kršenja

navedenog zakona, ocjenjuje da li je potrebno izvršiti terensku reviziju da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka.

**Obim pregleda i kontrole** finansijskog izvještaja Stranke za Srednje obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava.

#### **4. PRETHODNE KONTROLE I REVIZIJE**

Služba za reviziju je izvršila pregled i kontrolu godišnjih finansijskih izvještaja Stranke za Srednje u periodu od 2007. do 2018. godine, nakon kojih su izdati izvještaji o pregledu sa mišljenjem revizora, nalazima i preporukama revizije.

Pregledom godišnjeg finansijskog izvještaja za 2018. godinu, nije zapaženo ništa značajno što bi ukazalo na finansiranje ove političke stranke suprotno odredbama Zakona o finansiranju političkih stranaka.

#### **5. NALAZI I PREPORUKE**

##### **5.1 NALAZI**

##### **a) Pregledom godišnjeg finansijskog izvještaja utvrđeno je da je Stranka za Srednje prekršila odredbe člana 4. stav (1) Zakona o finansiranju političkih stranaka.**

U skladu sa odredbama iz člana 4. stav (1) Zakona o finansiranju političkih stranaka, stranka je obavezna sačiniti program utroška sredstava za svaku kalendarsku godinu, te u skladu sa istim sredstva koristiti isključivo za ostvarivanje ciljeva utvrđenih svojim programom i statutom.

U finansijskom izvještaju stranka je iskazala troškove u iznosu od 7.585,42 KM, za koje nije moguće utvrditi da li su ostvareni u skladu sa programom utroška.

Obavještenjem broj: 03-07-6-129/19 od 12.02.2019. godine za podnošenje godišnjeg finansijskog izvještaja za 2018. godinu, od Stranke za Srednje je zatraženo da dostavi program utroška sredstava za 2019. godinu.

- Politička stranka nije postupila po zahtjevu Centralne izborne komisije BiH, odnosno nije dostavila program utroška sredstva.

- Pored navedenog, uvidom u poslovne knjige stranke i finansijsku dokumentaciju utvrđeno je da Stranka za Srednje 28.03.2019. godine nabavila dva mobilna telefona u vrijednosti od 1.244,00 KM. Stranka tokom 2019. godine nije imala troškove telefonskih usluga, što ukazuje na činjenicu da telefoni nisu nabavljeni za potrebe političke stranke.

Obzirom da Stranka za Srednje nije dostavila program utroška sredstva, te da je pored ostvarenih troškova u iznosu od 7.585,42 KM nabavila mobilne telefone u vrijednosti od 1.244,00 KM, koji nisu korišteni za potrebe stranke, prekršila je odredbe člana 4. stav (1) Zakona o finansiranju političkih stranaka.

##### **b) Politička stranka je prekršila odredbe člana 11. stav (1) i člana 12. stav (1) i (4) Zakona o finansiranju političkih stranaka.**

Pregledom godišnjeg finansijskog izvještaja i finansijske dokumentacije, koju je politička stranka dostavila na zahtjev Centralne izborne komisije BiH, utvrđeno je da dio evidencija o troškovima, političke stranke nije sačinjen u skladu sa računovodstvenim propisima i finansijski izvještaj Centralnoj izbornoj komisiji BiH nije podnesen u skladu sa odredbama Zakona o finansiranju političkih stranaka i odredbama Pravilnika o godišnjim finansijskim izvještajima političkih stranaka.

- (1) Godišnji finansijski izvještaj Stranka za Srednje je Centralnoj izbornoj komisiji BiH podnijela nakon zakonom propisanog roka.
- Elektronski, putem aplikacije „FI CIK BIH” stranka je izvještaj podnijela 20.05.2020. godine, a obrasce finansijskog izvještaja, odštampane iz aplikacije u PDF formatu, ovjerene potpisom ovlaštenog lica i pečatom političke stranke dostavila je Centralnoj izbornoj komisiji BiH 08.06.2020. godine. U skladu sa odredbama člana 12. stav (4) Zakona o finansiranju političkih stranaka, bila obavezna izvještaj podnijeti do 31.03.2020. godine i elektronski i u čvrstoj kopiji.
  - Nenovčanu donaciju u iznosu od 576,00 KM, koju je ostvarila korištenjem poslovnog prostora bez plaćanja zakupnine, Stranka za Srednje je u finansijskom izvještaju prijavila kao ostali prihod, čime je prekršila odredbe člana 13. i člana 18. Pravilnika o godišnjim finansijskim izvještajima političkih stranaka.
- (2) Stranka, suprotno računovodstvenim propisima, u poslovnim knjigama nije uspostavila blagovremene evidencije o troškovima knjigovodstvenih usluga. Troškove ovih usluga u periodu od aprila do decembra 2018. godine, u iznosu od 450,00 KM, stranka je u poslovnim knjigama i finansijskom izvještaju iskazala kao troškove knjigovodstvenih usluga u 2019. godini.

## 5.2 PREPORUKE

*Preporučuje se Stranci za Srednje da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:*

- *da svake godine donosi program utroška sredstava, te da finansijska sredstva osigurana za finansiranje političke stranke koristiti u skladu sa programom,*
- *da u skladu sa računovodstvenim propisima uspostavi blagovremene evidencije o rashodima političke stranke,*
- *da finansijske izvještaje Centralnoj izbornoj komisiji BiH podnosi u zakonom propisanim rokovima i*
- *da finansijske izvještaje popunjava u skladu sa odredbama Pravilnika o godišnjim finansijskim izvještajima političkih stranaka.*

## KOMENTAR

Politička stranka se nije očitovala na nalaze revizije navedene u Preliminarnom izvještaju o pregledu godišnjeg finansijskog izvještaja za 2019. godinu.

Pomoćnik revizora

Mr.sc. Goran Cicović

Šef Službe za reviziju, revizor

Mr.sc. Hasida Gušić